



Regionalni centar Tuzla

Broj: 02/6-1/II-07-1-02/09-2

Tuzla, 23.12.2009 godine

Na osnovu člana 66. Zakona o porezu na dodanu vrijednost („Službeni glasnik BiH“ broj 9/05,35/05,100/08), člana 127. Pravilnika o primjeni Zakona o porezu na dodanu vrijednost („Službeni glasnik BiH“ broj 93/05,21/06,60/06,6/07,100/07 i 35/08), te člana 8. Instrukcije o postupku uvođenju posebne šeme dužnika („Službeni glasnik BiH“ broj 35/08), šef Grupe za prinudnu naplatu RC Tuzla rješavajući po službenoj dužnosti d o n o s i

### RJEŠENJE

1. UVODI SE POSEBNA ŠEMA DUŽNIKA KOPLAST d.o.o. za proizvodnju, kooperaciju, spoljnu trgovinu, trgovinu na veliko i malo adresa/sjedište firme: Osječani bb, Osječani, ID broj:4400004700000, PDV broj:400004700000, za dug po osnovu poreza na dodanu vrijednost u iznosu od 264.617,50 KM.
2. Poreski obveznik-dužnik je obavezan da u svoje fakture unosi slijedeću klauzulu:“Iznos PDV-a naveden u ovoj fakturi plaća se Upravi za indirektno oporezivanje sa pozivom na PDV-ID broj:400004700000“.
3. Primaoc isporuke-kupac, plaća iznos PDV-a direktno Upravi i to do 5. u mjesecu za prethodni poreski period.U istom roku primaoc isporuke je dužan dostaviti Upravi za indirektno oporezivanje listu sa podacima za prethodni poreski period za poreskog obveznika-dužnika prema kojem je rješenjem uvedena posebna šema, lista treba da sadrži slijedeće:
  - Iznos zadržanog PDV-a
  - Identifikacioni broj isporučioaca dobra ili usluga
  - Identifikacioni broj primaoca dobra ili usluge koji je zadržao iznos PDV-a.
4. Posebna šema se primjenjuje od dana objavljivanja u „Službenom glasniku BiH“.
5. Dužnik nad kojim se uvodi posebna šema KOPLAST d.o.o. ID broj:4400004700000, PDV broj:400004700000 Osječani bb, Osječani, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.
6. Žalba ne odlaže izvršenje Rješenja.
7. Ovo rješenje će biti objavljeno u „Službenom glasniku BiH“ i u tri najčitanije dnevne novine.

### Obrazloženje

Grupa za prinudnu naplatu RC Tuzla po službenoj dužnosti, na osnovu činjenica utvrđenih u postupku prinudne naplate duga i porezne kartice dužnika „Koplast“ d.o.o. započela je postupak uvođenja dužnika u posebnu šemu radi obezbjeđenja naplate duga po osnovu poreza na dodanu vrijednost evidentiranog u programu Alice u iznosu od 264.617,50 KM. Dužnik je počev od januara 2006. godine do dana donošenja ovog rješenja podnosio prijave samooporezivanja u kojima je iskazivao poreznu obavezu, koju nije izmirio, kao niti obaveze utvrđene razrezom dodatne obaveze po kontroli. U postupku prinudne naplate poreza na dodanu vrijednost dužniku su za sve porezne periode izdati nalozi za prinudnu naplatu, koje dužnik nije osporio, a nije izvršio ni jednu uplatu duga, radi čega je temeljem odredbe člana 45. Pravilnika o provedbi zakona o postupku prinudne naplate indirektnih poreza („Službeni glasnik BiH“ broj 21/06) dana 28.02.2007. godine izdat nalog za pljenidbu cjelokupne postojeće i buduće imovine dužnika.

Saglasno odredbi člana 13. Zakona o postupku prinudne naplate indirektnih poreza u BiH („Službeni glasnik BiH“ broj 89/05) nije bilo moguće vršiti pljenidbe novčanih sredstava dužnika na blagajni a svi računi otvoreni kod banaka su blokirani. Dužnik nije vlasnik nepokretne imovine, a sva pokretna

imovina osim vozila založena je u korist više banaka po osnovu odobrenih kredita dužniku. Pljenidbom i prodajom 4 teretna i 2 putnička vozila umanjen je dug dužnika za iznos od 32.194,11 KM. Osim toga pljenidba novčanih potraživanja dužnika izvršena je po prijedlogu dužnika u iznosu od 14.552,63 KM.

Kako glavni dužnik više nema imovinu čijom pljenidbom bi se dug mogao namiriti, nastavio je s poslovanjem usljed kojeg se dug kontinuirano uvećava, a istovremeno ništa ne poduzima u cilju izmirenja duga, stekli su se uslovi da Grupa za prinudnu naplatu saglasno odredbama člana 66. stav (3) Zakona o porezu na dodanu vrijednost i člana 127. stav (1) Pravilnika o primjeni Zakona o porezu na dodanu vrijednost započne postupak uvođenja posebne šeme dužnika „Koplast“ d.o.o. za dug u iznosu od 264.617,50 KM po vrsti i periodima kako slijedi:

Red. br.	Period duga	Broj naloga za prinudnu naplatu	VRSTA DUGA			Ukupan iznos duga
			Glavni dug	Naknadni teret prinude	Kamata	
1	0711	02/5-12/II-16/763-9361/07	1.162,00		778,70	1.940,70
2	0712	02/5-1/II-16-85-10298/07	16.601,00		7.092,00	23.693,00
3	0802	02/5-1/II-16/85-1363/08	8.092,00		3.166,00	11.258,00
4	0804	02/5-1/II-16/85-3086/08	7.916,00		2.807,00	10.723,00
5	0805	02/5-1/II-16-85-4018/08	6.904,00		2.320,00	9.224,00
6	0806	02/5-1/II-16/85-4992/08	9.204,00		2.927,00	12.131,00
7	0807	02/5-1/II-16/85-5859/08	9.524,00		2.846,00	12.370,00
8	0808	02/5-1/II-16/85-6744/08	8.347,00		2.344,00	10.691,00
9	0809	02/5-1/II-16/85-7632/08	5.190,00		1.364,00	6.554,00
10	0810	02/5-1/II-16/85-8529/08	12.313,00		3.007,00	15.320,00
11	0811	02/5-1/II-16/85-9436/08	14.998,00		3.393,00	18.391,00
12	0812	02/6-1/II-16-197-663/09	4.680,00		972,00	5.652,00
13	0902	02/6-1/II-16-197-2883/09	9.390,00		1.617,00	11.007,00
14	0903	02/6-1/II-16-197-3943/09	13.716,00		2.107,00	15.823,00
15	0904	02/6-1/II-16-197-5117/09	7.614,00		1.028,00	8.642,00
16	0905	02/6-1/II-16-197-6149/09	9.071,00		1.061,00	10.132,00
17	0906	02/6-1/II-16-197-7255/09	12.362,00	1.236,20	1.224,00	14.822,20
18	0907	02/6-1/II-16-197-8301/09	11.298,00	1.129,80	908,00	13.335,80
19	0908	02/6-1/II-16-197-9304/09	11.703,00	1.170,30	723,00	13.596,30
20	0909	02/6-1/II-16-197-10374	15.505,00	1.550,50	679,00	17.733,50
21	0910	02/6-1/II-16-197-11487/09	14.580,00	1.458,00	367,00	16.405,00
22	0911		5.135,00		37,00	5.172,00
<b>UKUPAN DUG</b>			<b>215.305,00</b>	<b>6.544,80</b>	<b>42.767,70</b>	<b>264.617,50</b>

Na osnovu člana 3. stav (3) Instrukcije o postupku uvođenja posebne šeme dužnika Grupi za reviziju i kontrolu RC Tuzla dostavljena je inicijativa za kontrolu poreznog obveznika sa aspekta procjene kategorija iz člana 5. iste Instrukcije.

Kontrolom koja je obuhvatila sve porezne periode od 01.01.2006. do 30.09.2009. godine utvrđene su činjenice koje nesumnjivo ukazuju na potrebu i opravdanost uvođenja posebne šeme ovog dužnika a posebno iz slijedećih razloga:

- prema bilansu stanja na dan 31.12.2008. godine dužnik ima imovinu- osnovna sredstva u vrijednosti od 3.648.946,00 KM, a za koju je u postupku prinudne naplate utvrđeno da je predmet zaloga banaka i da se iz tog razloga ne može plijeniti za namirenje duga indirektnih poreza,
- prema bilansu uspjeha za period 01.01.-31.12.2008. godine iskazan je gubitak dužnika od 795.851,00 KM,
- prema bilansu tokova iskazan je odliv gotovine od 1.378,00 KM.
- u momentu vršenja kontrole obveznik ima zaključen ugovor o uslužnoj proizvodnji polietilenske ambalaže za „Rafineriju ulja Modriča“ zaključen 12.09.2009. godine na period od godinu dana ali bez ugovorene količine zbog čega se ne može utvrditi cijena usluge,
- prema podacima iz glavne knjige dužnik na dan 30.09.2009. godine ima trenutno obaveze po dugoročnim kreditima u iznosu od 1.363.184, 97 KM, kao i po kratkoročnim kreditima u iznos od 424.820,20 KM,
- prema svojim dobavljačima dužnik ima obaveze u iznosu od 915.833,90 KM, a ukupna potraživanja od kupaca u iznosu od 248.646,83 KM.

Na osnovu utvrđenih činjenica saglasno odredbama člana 6.stav 1., a primjenom člana 8. stav 1. Instrukcije o postupku uvođenja posebne šeme dužnika Grupa za prinudnu naplatu RC Tuzla je dana 20.11.2009 godine dostavila dužniku KOPLAST d.o.o. pismo namjere broj 02/6-1/II-07-1-02/09-1 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbom člana 128. stav 1. i 2. Pravilnika o primjeni Zakona o porezu na dodanu vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodanu vrijednost. Kako obveznik u ostavljenom roku nije uplatio dug ili obezbijedio adekvatnu garanciju za plaćanje duga, a dug se i dalje uvećavao u proteklih 30 dana odlučeno je da se na ovog obveznika primijeni posebna šema radi obezbjeđenja naplate duga.

Pri donošenju odluke o uvođenju posebne šeme dužnika Grupa je odlučnim činjenicama cijenila: iznos duga koji se neprekidno uvećava, iznose dugoročnih i kratkoročnih kredita i obaveza dužnika prema bankama i svojim dobavljačima u odnosu na njegova nesrazmjerno manja potraživanja, rizik naplate poreza na dodanu vrijednost od imovine dužnika koja je u cjelosti založena, njegove trenutne nesolventnosti, historijata ponašanja dužnika za sve protekle četiri godine. Kako je kontrolom poslovanja dužnika utvrđeno da isti ima ugovoreno vršenje uslužne proizvodnje u periodu od godinu dana usljed koje će nastati i potraživanja, te da osim tih dužnik ima potraživanja od kupaca u iznosu od 248.646,83 KM a koji iznos je skoro identičan trenutnom iznosu duga indirektnih poreza, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenja.

Shodno odredbama člana 128. stav 4. Pravilnika o primjeni Zakona o porezu na dodanu vrijednost, ovo rješenje će biti objavljeno u „Službenom glasniku BiH“ i tri najčitanije dnevne novine, a isto je dužnik obavezan istaći u poslovnim prostorijama na vidno mjesto zajedno sa uvjerenjem o registraciji za PDV.

Odredbom člana 137. stav 1. Zakona o postupku indirektnog oporezivanja („Službeni glasnik BiH“, broj 89/05), žalba ne odlaže izvršenje rješenja.

### **Pouka o pravnom lijeku**

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom taksirana sa 10 KM administrativne takse u skladu sa tarifom Zakona o administrativnim taksama BiH („Službeni glasnik BiH“, broj 16/02,19/02,43/04,8/06 i 24/06).

Dostavljeno:

1. KOPLAST d.o.o. ,Osječani bb, Osječani
2. Grupa za reviziju i kontrolu
3. Sektor za poslovne usluge  
Odsjek za upravljanje dugom 6x
4. Grupa za prinudnu naplatu
5. 02/6-1/II

